



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Commentaria Vetustissima & profundissima Super Canticvm Canticorum Salomonis Qvod Hebraice Dicitvr Sirhasirim**

**Wolbero <de Sancto Pantaleone>**

**Coloniae Agrippinae, 1630**

Versvs XVII. Reuertere: similis esto dilectemi capreae, hinnuloque  
ceruorum super montes. Bethel.

**urn:nbn:de:hbz:466:1-10027**

eum erit Deus omnia in omnibus, plenā & perfectā & incommutabile suā visionis mihi dabis remunerationem ubi ipse in me suorum pulchritudine donorum & ego in eo æternā corporis & animæ incorruptione pascamur.

Quia verò hæc mutua quā posuimus dilectio semper conuenit cuique Patri & Filio, hoc propriū est eorum quæ dicuntur ad aliquid, vt hoc ipsum quod sunt aliorum dicantur, vel quomodolibet aliquid ad aliud. Quicquid enim in naturā relationis agnoscitur, id cum alio necesse est consideretur: nam cum dicitur Pater, necesse est, vt sit Filius cuius Pater dicatur, eodemque modo per conuersionem dicendū de Filio. Si ergo sancti filij sunt Dei, per dilectionem & mandatorum eius obseruationem; necesse est vt ipse Deus Pater eorum dicatur per gratiam, per conditionem & per gubernationem, & è conuerso, si Deus Pater, ipsi filij. Vnde & hic non absurdum est dicere, dilectus meus mihi in Patrem, & ego illi in filium vel filiam: dicit enim ipse Deus quodam loco de suis. *ego ero illis in Patrem, & ipsi erunt mihi in filios & filias.*

Siue alio modo dicamus, prope consimilem videtur habere sensum relationis, vt cum dicitur *dilectus meus mihi* subaudiatur adiutor & protector est, & *ego illi*, subaudiatur obediens sum. Hæc quoque sibi conferuntur, vt quia mihi adiutor

& protector est, ideo illi obediens sum, & quia illi obediens sum, ille mihi suum impendat adiutorium.

*Qui pascitur inter lilia*, quia delectatur candore virtutum & munditiā cogitationum & operum, sicut dicit quodam loco, & *ego mundis intersum cogitationibus*; & sicut scriptū est, *beati mundo corde, quoniam ipsi Deum videbunt*, tamdiu gratiæ suæ in me operatur effectum, donec dies intelligentiæ & scientiæ spiritualis elucescat fugato caligine ignorantiae vel carnalis intelligentiæ. Quo enim magis mens Deo in virtutum profectibus iungitur, eò altius in diuinæ contemplationis subtilitate eleuatur.

Siue *donec dies est*, hoc est lux & splendor bonorum operum, qui in meā mente per diuinæ gratiæ inhabitationem effulsit, ad aliorum corda verbo & exemplo resplendeat, & ab eis omnem prauitatis & malitiæ umbram siue noctem remoueat: *fructus enim lucis est in omni bonitate & iustitia & veritate.*

#### VERSUS XVII.

*Reuertere: similis esto dilectæ mi caprea, hinnuloq; ceruorum super montes Bethel.*

**D**VM pasceretur Dilectus inter lilia candentis & virtutibus redolentis animæ, tantum ipsam animam charitatis suæ dulcedine reficit, vt terrena despiciens tota in cœlestibus suspenderetur, nec tamē sicuti est; incircumscriptam diuinā-

Secunda expositio relationis dilectionis dilecti ad dilectam. Prou. 8.

Matth. 5.

Ephes. 5.

Dilectio & mandatorū obseruatio constituent nos filios Dei.

2. Reg. 7.

nitatem comprehendere possit. Vnde cum omnem sensum excedentem, & quasi quodammodo fugientem dilectum persequitur toto mentis conatu, quia incomprehensibilis & ineffabilis est, tam immensæ claritatis iurare repercutitur, nec ultra eum persequendum existimat, quem nullo modo comprehendere posse considerat. Huic enim de Sanctis animalibus scriptum est, quia cum fieret vox supra firmamentum, stabant & submittebant alas suas: Firmamenti quippe nomine virtutes supernæ designantur, quæ alijs Angelorum cœtibus de cœlo cadentibus ipsæ in amore Dei firmiter perstiterunt. Vox verò in mente est quidam sonus intelligentiæ; sed vox alia fit sub firmamento, alia de firmamento, atque alia super firmamentum. Sanctis quippe mentibus de terrenis ad superna se subleuantibus vox fit sub firmamento, quando aliqua de visibilium naturâ, ordine, qualitate, subtiliter intelligunt, vox autem fit de firmamento, quando illorum supernorum spirituum ineffabilia & æterna gaudia pensant, vox verò super firmamentum fit, quando aliquid de diuinitatis celsitudine contemplando cogitant, de quâ quia nihil ad plenum sicuti est, comprehendere possunt, stantes & ultra progredi non volentes, humiliter alas contemplationis deponunt, & eum quem incomprehensibilem esse intelligunt obstupescunt, obstupescentes

venerantur & expauescunt, expauescentes diligunt, diligentes quandoque sicuti est conspiciunt.

Quia ergo in diuinitatis cõtēplatione dilectâ deficit, quasi iam auolantem dilectum diu consequi non potest, reuocat, & vt saltem humanitatis suæ Sacramenta, quoquo modo reuelare dignatur, implorat dicens, *reuertere dilecte mi, similis esto capræ aut hinnulo ceruorum super montes Bethel*; ac si alijs verbis dicat, quoniam diuinitatis tuæ sublimitatem perfecti capere non valeo, *videmus enim nunc per speculû in enigmate*, saltem concede mihi humanitatis tuæ scrutari & intelligere veritatem, veritatis rationem, rationis utilitatem; veritatem in fide, rationem in causâ, utilitatem in causæ fine. Credimus enim te hominem factum hac ratione vt saluares genus humanum, cuius finis vita æterna est.

Sed in huiusmodi causæ actione *similis fuisti capræ aut hinnulo ceruorum*, quia de stirpe Patriarcharum natus, veluti ceruorum hinnulus velociter humanæ salutis ordinem dispensasti: nam postquam prædicare cepisti, tribus & semis annis tam celebris & mirabilis negotij vniuersale bonum peregisti, passus verò cito post triduum surrexisti, & post quadraginta dies cœlos ascendisti, talisque excursus & recursus fuit quasi capræ aut hinnuli ceruorum salientis in montibus.

Quod dilectâ dilectum perat reuer- ti, & similiti capræ quid figuret I. Cor. 13.

Christus in Incarnatione similis factus capræ aut hinnulo ceruorum.

Ezech. I.  
Firmamenti nomine virtutes designantur supernæ.

Quando fiat vox sub firmamento, de firmamento, & super firmamentum.

Incar-  
natio  
Domini cur  
facta dicitur  
super mon-  
tes Bethel.

Apostoli  
monibus  
comparan-  
tur.

Saltus quasi  
fecerit  
Christus.

Sacra scrip-  
tura per  
montes Be-  
thel intelli-  
gitur.

Sed iste recursus siue recursus tu-  
us fuit super montes Bethel, id est  
domus Dei quæ est Ecclesia, cuius  
profectus & institutio agebatur in  
excursu & cursu isto, super cuius  
montes, hoc est Apostolos cætero-  
que sanctos prædicatores quasi  
velox hinnulus prompto tuæ gratiæ  
munere concurristi, quando eos re-  
pentino spiritus sancti aduentu do-  
cuisti, ut quod alij per longa tem-  
porum spatia vix capere possunt, i-  
sti vno momento attingerent. Quo  
enim velocior potuit saltus tuus su-  
per hos montes esse, quam vnâ ho-  
râ omnium linguarum scientiam  
dare.

Harum ergo rerum omnium Sa-  
cramenta concede ut intelligam,  
intelligens in his meditari valeam,  
ab his fide & opere non rece-  
dam, fide credendo, opere pro posse  
imitando. *Similis enim es capria aut  
hinnulo ceruorum* in corde meo, quã-  
do ista dispensationis tuæ sacramen-  
ta reuoluo, quomodo scilicet ad  
hæc instituenda de cælo in vterum  
Virginis, de vtero in crucem,  
de cruce in sepulchrum, de  
sepulchro denuo in cælum qua-  
si quibusdam saltibus cucurristi.  
Similitudo autem ista mihi ap-  
paret *super montes Bethel*, hoc est in  
scripturis quas tenet & veneratur  
sancta Ecclesia, quæ videlicet scrip-  
turae montes sunt, propter altitudi-  
nem sensuum qui continentur in  
eis, ex vtilitatibus præceptorum di-

uinorum, siue ex sacramentis & re-  
bus Sacramentorum.

Sed quia tota vis dilectionis hu-  
ius inter dilectum & dilectam, pen-  
det ex fide sacramentorum & ob-  
seruatiã diuinorum mandatorum,  
omissã intentione illâ quærendi,  
quã Deum in suã naturã comprehẽ-  
dere voluit, sed minimè potuit, cœ-  
pit intendere qualiter Deum per fi-  
dem & iustitiam comprehendere  
posset. Si enim iuxta Iohannis vo-  
cem *Deus charitãs est*, fidem verò &  
iustitiam habere Deum est diligere,  
profectò charitatem istam habere  
est Deum habere.

Quid autem charitatem istam  
dicimus, nisi omne illud bonum,  
quod potest animo concepì, corde  
credi, ore confiteri, opere exerceri?  
nempe omne istud nemo consequi-  
tur bonum, nisi qui perfectè diligit  
Deum, & nemo diligit Deum, nisi  
qui hoc consequitur bonum, sicut  
paulò superius positum est, *dilectus  
meus mihi & ego illi.*

Hoc etenim bonum quædam est  
via, quæ ducit ad meliora compre-  
hendenda, cuius vitæ terminus &  
clausula est illud indeficiens bonũ,  
hoc est vita æterna. Verum quoni-  
am non parua difficultas est huius-  
modi bonum inueniendi, dum sint  
per pauci qui perfectam Dei chari-  
tatem habeant, subdit dilecta enar-  
rans ordinem inquisitionis &  
inventionis huius non  
facile proueni-  
entis.

Vis dile-  
ctionis inter  
sponsam &  
sponsã vnde  
petenda.

I. Ioh. 4.

Bonum  
quod ducit  
ad summum  
bonum à  
paucis ap-  
prehendi-  
tur.

CA-